



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglian publichar arrandschamaints han seguaintas pussibilitats:

- Mas-chalch da Sent : tenor infuormaziuns sülla prüma pagina
- Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- Chalender d'arrandschamaints da la destinaziun turistica:

www.engadin.com => "Allegra das Veranstaltungsmagazin" => Veranstaltungen erfassen opür

<https://www.engadin.com/de/planen-buchen/allegra-veranstaltungsmagazin>

Quellas occurrenzas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publichar lur occurrenzas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan piazzats adüna la gövgia illas chaistas nairas.

PER NOSSAS SENIORAS / PER NOSS SENIORS

Venderdi, als 3 november 2023

Davomezdi da film cun Karl Andersag, Tarasp

A las 14.00 h illa Chasa Misoch. Davo caffè e tuorta

Annunzchas p.pl. fin als 1. november 2023 a Chatrina Ritzmann, tel. 081 864 93 59

Adüna il lündeschdi, a las 14.00 in Chasa Misoch: Gimnastica per las duonnas, Pro Senectute, manadra Elisabeth Poo, tel. 081 864 18 20

Adüna il marcurdi a las 14.00 in Chasa Misoch: Società da duonnas infuormaziun: Dorathea Stupan, tel. 081 864 04 75

SOCIETÀ DA DUONNAS - BAZAR

Dumengia, 19 november 2023 a las 13.30 h illa Chasa Misoch

BAZAR cun stüva da caffè e plüssas attracziuns.

Cordialmaing invida la società da duonnas

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>
 Ingüna reservaziun da plazzas - la chascha es averta ün'ura avant il concert.

Dumengia, als 4 november 2023 a las 17.00 collecta

LA MISSA ROTNA REVIVA

Missa Rotna (Bent Peder Holbech) ed otras chanzuns

Cor ad hoc "Missa Rotna"

Sara Bigna janett – sopran, Domenic Janett – sax, Curdin Janett clavazin, Klaus Telfser – e-bass, Maurizio Trové – percussiun, Jachen Janett – dirigent

Nus anteriuras chantaduras ed anteriurs chantadurs dal cor da la scoula media a Samedan lain laschar clingir amo üna jada quella grondiusa messa da roc suot la direcziun da Jachen, nus lain laschar reviver il bel temp da scoula e lain onurar al dirigent per seis instancabel ingaschamaint pel chant e per la musica a favur da nus tuots.

Dumengia, als 26 november 2023, a las 17.00, CHF 25

Concert cun introducziun

Sco introducziun suna la «**RÜMLI GANG**» da Ftan/Ardez

Anna Carpanetti, Severin Tönet und Simon Koller – orgelin da man (Schwyzerörgeli)

TRIO «ROND OM DE SÄNTIS»

Werner Alder – Hackbrett, Maya Stieger – Geige, Peter Looser – Bassgeige

Nus dudin „Appenzeller Streichmusik“ dal 19avel tschientiner fin al di dad hoz. Bleras melodias sun tradiziunalas e dattas inavant sur l'udida, uschea per exaimpel il "Berewegge Polka" o eir il "Zäuerli" (Naturjodel) chi vegnan gugent interpretadas cun accumpagnamaint dal „Talerschwingen“.

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Galleria e bar-café / Galerie und Bar-Café

mardi e sonda / Dienstag und Samstag

17:00 -19:00

Nus ans allegrain da Lur visita!

Exposiziun

"ZEIT DER STILLE" tagls da forsch e sculpturas da Werner Kleiber

Werner Kleiber viva e lavura ad Ebikon e daspö plüs ons eir per part ad Ardez.

Las lavurs in quista exposiziun muossan üna pitschna survista da sia actività artistica e sun independentas da lös exteriurs, ma ellas s'han pel solit fuormadas d'urant la tschercha da pusiziuns internas.

Il müdamaint da las chosas, la naschentscha e'l trapassar illa natüra ed illa vita sun sias funtanas d'inspiraziun. Las ouvras svessa as fuorman adüna i'l process da l'experienza actuala e la confruntaziun culmaterial.

Quist möd da lavurar as müda per el mincha jada in ün temp da quietezza e survain ün caracter meditativ.

Trio Calabrun inscuntra a Flurina Badel

Musica dal muond inscuntra a lirica rumantscha

Venderdi, 27-10-2023 20.15 Grotta da cultura, Piertan 25.00 / 20.00

Ils musicists Felix Rüedi e Mario Giovanoli da Cuaira e Simon Steiner da Lavin, as occupan in lur trio cul cling metallic-sferic dal "handpan". In cumbinaziun cun flötas, e-bass, percussiun e chant suna Calabrun in differents stils, minchatant ritmic, groovic, o eir svolond, adüna cun lö per improvisaziun.

La lingua rumantscha ha ün'estetica tuot speciala sun seis cling, la melodia e'l ritem. L'autura ed artista da Guarda, Flurina Badel, sa trar a nüz il potenzial da la lingua. Cun seis cudesch da poesias tinnitus tropic s'avicinescha ella in möd particular e tilla lascha straglüscher da nouv.

<https://felixrueedi.ch/calabrun/> www.flurinabadel.ch

Linard Bardill legia

"Terra pels peis" «Den Füssen ein Grund»

Poesias da Linard Bardill. Moderaziun: Chasper Pult

Gövgia, 02-11-2023 20.15 Grotta da cultura, Piertan, collecta, Apéro

Las poesias da Bardill giogan cun tut ils elements ed ans laschan ralentar. E perquai che Linard Bardill è adina era in grond narratur e chantatur, raquinta sia lingua istorgias, stgaffescha maletgs ed è ludica e famigliara. Ella è autentica, funcziuna en il mument ed è tuttina misteriusamain ponderada.

(Rut Bernardi, pled final)

Davopro bus da cultura gratuit vers Scuol, Ftan, Ardez, Tarasp.

CORPORAZIUN EVANGELICA SENT**Cults divins**

DUMENGIA, 5 NOVEMBER

Cult divin per dumengia da la Refuorma

10.00, tudaisch/rumantsch, rav. Maria Schneebeli

Orgel: Urs Wittwer

DUMENGIA, 12 NOVEMBER

Cult divin da famiglia

10.00, rumantsch, pred. laica Seraina Guler e scolaras e scolaras

Orgel: Marcel Stecher e Leta Mosca

Davo radunanza da preventiv

DUMENGIA, 26 NOVEMBER

Cult divin per la dumengia dals morts

10.00, tudaisch/rumantsch, rav. Maria Schneebeli

Orgel: Ida Zisler

19.00 Eucharistiefeyer, Pfr. Christoph Willa

Orgel: Peder Vital

Uffants**Predgina**

Per tuot ils uffants da scolina e dal s-chalin bass

Adüna il venderdi in november, 3, 10, 17 e 24 da las 17.00 fin 18.00 in baselgia e chasa pravenda

Infuormaziun pro Seraina Guler, 079 828 90 36

Divers

DUMENGIA, 12 NOVEMBER davo il cult divin in baselgia

Radunanza da preventiv

Tractandas

1. Salüd
2. Tscherna dombravuschs
3. Protocol radunanza da rendaquint dals 23 avrigl 2023
4. Rapport dal cussagl da baselgia
5. Preventiv 2024 e pè d'impostas
6. Tschernas
7. Orientaziuns e varia

Adressa:

Corporaziun evangelica Sent

Barbla Buchli Avant Baselgia 75, 7554 Sent, telefon 081 864 02 78, barbla.buchli@bluewin.ch



SENT TURISSEM

Daspö blers ons spordscha Sent Turissem divers arrandschamaints per nos giasts.

Quai sun tanter oter:

l'inviern	"Engadiner Esskultur"
la stà	"parkin Not Vital" e "Der Schmugglerpfad im Val d'Uina"
tout on	"Dorfführung Sent"

Per l'on chi vegn tscherchaina amo sustegn pel team da guidas tras il parkin. Quellas guidas han lö tanter gün ed october adüna mardi e venderdi.

Per plaschair as annunzchar pro:

Reto Rauch, 079 670 75 10, reto.rauch@grischa-pr.ch

Per ulteriuras infuormaziuns staina jent a disposiziun.
Büro d'infuormaziun Sent: Jürg Klopenstein e Marianne Werro

INFUORMAZIUN

La **furnaria Benderer** a Sent resta serrada dals 20 november fin ils 3 december.

FANESTRAS D'ADVENT A SENT

Eir quist on faina darcheu las fanestras d'Advent d'ürant il mais december. Chi ha gust ed interess d'imbellir il cumün cun üna fanestra d'Advent ?

P.pl. tour sü contact cun Gianna Rauch Poo, telefon 076 450 18 14.

TRAR CHANDAILAS PER UFFANTS

In **sonda, ils 11 da november 2023** organisaina darcheu il di da trar chandailas per uffants. L'arrandschamaint ha lö sün Plaz, quai a partir da las 11.00h fin las 15.00h. Pel bainstar esa pisserà, sper differentas bavrondas daja raclette, hot dogs, schoppa da giuotta e tuorta.

No ans allegrain da pudair salüdar üna pruna uffants cun lur genituors.

Gruppa da gö tartarugas Sent